

Serviciu de Planificación Llingüística y Normalización

RESOLUCIÓN de 7 de mayu del 2018 pola que se convoquen los premios «Xosefa Xovellanos» de Novela, «Xuan M.^a Acebal» de Poesía, «Máximo Fuertes Acevedo» d'Ensayu, «María Josefa Canellada» de Lliteratura Infantil y Xuvenil y «Alfonso Iglesias» de Cómic en llinuga asturiana

RESOLUCIÓN

Fomentar la creatividá lliteraria contribuye ensin dulda a desenvolver el conteníu cultural de la sociedá, sobre manera teniendo en cuenta la importancia de la lliteratura, en cualquiera de les tantes manifestaciones como tien, nel nuestru tiempu. Ye sabíu tamién que la escritura, que naz de la voluntá de creación y comunicación, lleva con ella un trabayu personal importante, una dedicación de tiempu y esfuerciu que, anque nun son midibles no económicu porque'l valir intrínsecu de la lliteratura tresciende estos parámetros, sí que se puen reconocer y incentivar polos poderes públicos. Por eso la Conseyería d'Educación y Cultura del Principáu d'Asturies vien convocando anualmente dellos premios lliterarios empobinaos a afitar, arriquecer y prestixar la llingua y cultura asturianes.

FECHOS

Primero.— Cola mira de llograr esti oxetivu, por Resolución d'esta Conseyería de 5 de marzu del 2009 (*BOPA* de 27 de marzu del 2009), aprobáronse les bases de los premios «Xosefa Xovellanos» de Novela, «Xuan María Acebal» de Poesía, «Máximo Fuertes Acevedo» d'Ensayu, «María Josefa Canellada» de Lliteratura Infantil y Xuvenil y «Alfonso Iglesias» de Cómic en llingua asturiana, modificaes por Resolución de 23 de xunetu del 2015 (*BOPA* de 30 de xunetu del 2015).

Segundo.— Na Llei del Principáu d'Asturies 6/2016, de 30 d'avientu, de Presupuestos Xenerales del Principáu d'Asturies pal añu 2017, prorrogaos pal exerciciu 2018, contiéense creitu específicu pa estos fines na partida presupuestaria 14.04.422R-482.062, llamada “Premios literarios en lengua asturiana”. Y el Plan Estratéxicu de Subvenciones de la Conseyería d'Educación y Cultura pa los exercicios 2018 y 2019 (aprobáu por Resolución de 22 de febreru del 2018 y publicáu en *BOPA*’l 5 de marzu del 2018) prevé la convocatoria de los cinco gallardones mentaos. Procede entós, nesi momentu, la convocatoria d'estos premios:

- Premiu «Xosefa Xovellanos» de Novela n'asturianu na so trentésima novena edición;
- Premiu «Xuan M.^a Acebal» de Poesía n'asturianu na so ventésima cuarta edición;

GOBIERNU DEL PRINCIPÁU D'ASTURIES

CONSEYERÍA D'EDUCACIÓN Y CULTURA

- Premiu «Máximo Fuertes Acevedo» d'Ensayu n'asturianu na so ventésima cuarta edición;
- Premiu «María Josefa Canellada» de Lliteratura Infantil y Xuvenil n'asturianu na so décimoprimer;
- y
- Premiu «Alfonso Iglesias» de Cómic n'asturianu na so décima edición,

enfotaos, amás, en qu'actuaciones d'esti calter ayuden de manera eficaz a dinamizar l'actividá cultural de la Comunidá Autónoma, y n'especial un aspectu bien importante de la mesma como ye'l de la creación lliteraria.

Tercero.— D'aluerdu colo dispuesto na Resolución de 16 de mayu del 2005, de la Conseyería d'Economía y Alministración Pública, pola que s'establez el sistema d'información contable de l'Alministración del Principáu d'Asturies y el so sector públicu y s'aprueben les normes de los procedimientos de xestión, tramitación y réxime de contabilidá na execución del presupuestu de gastos, la Intervención Delegada, en fecha 7 de mayu del 2018, emitió'l correspondiente informe fiscal favorable.

FUNDAMENTOS DE DERECHU

PRIMERO.— L'artículu 3 del Decretu 71/92, de 29 d'ochobre, que regula'l Réxime Xeneral de Subvenciones, en rellación col artículu 38 de la Llei 6/1984, de 5 de xunetu, del Presidente y del Conseyu de Gobiernu; l'artículu 5 del Decretu 6/2015, de 28 de xunetu, del Presidente del Principáu d'Asturies, de Reestructuración de les Conseyeríes qu'integren la Comunidá Autónoma, amás del artículu 10 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies; too ello en cuantes a la determinación de les competencies y facultaes p'adoptar esta Resolución.

SEGUNDO.— D'aluerdu col artículu 37 de la Llei 2/1995, de 13 de marzu, sobre Réxime Xurídicu de la Alministración del Principáu d'Asturies y la Resolución de 2 d'ochobre del 2015, de la Conseyería d'Educación y Cultura (*BOPA* de 10 d'ochobre), ye competencia del titular de la Dirección Xeneral de Planificación Llingüística y Normalización l'autorización y disposición de los gastos, distintos de los contratos menores, que se financien con cargu al programa presupuestariu xestionáu pola Dirección Xeneral.

TERCERO.— Sicásí, por razones d'economía procesal y simplificación de trámites, pue l'Ilmu. Sr. conseyeru conocer d'esti espediente avocando les competencies delegaes n'aplicación del artículu 17 de la Llei 2/1995, de 13 de marzu, sobre Réxime Xurídicu de l'Alministración del Principáu, al tramitase conxuntamente toles fases del espediente de gastu.

GOBIERNU DEL PRINCIPÁU D'ASTURIES

CONSEYERÍA D'EDUCACIÓN Y CULTURA

CUARTO.— Ye aplicable lo establecíu na Llei 38/2003, de 17 de payares, Xeneral de Subvenciones y el Decretu 71/1992, de 29 d'ochobre, de Réxime Xeneral de Concesión de Subvenciones.

En virtú de lo espuestu y d'aluerdu colu previstu nos artículos 8 c) y 41 del Testu refundíu del Réxime Económicu y Presupuestariu, aprobáu pol Decretu llexislativu del Principáu d'Asturies 2/1998, de 25 de xunu, pola presente

RESUELVO

PRIMERO.— Convocar estos premios:

—«XOSEFA XOVELLANOS» DE NOVELA n'asturianu (trentésima novena edición), con una dotación de 3.000 (tres mil) euros, pa obres de tema, xéneru y estructura llibres que tengan una estensión mínima de setenta y cinco páxines a espaciu doble.

—«XUAN M.^a ACEBAL» DE POESÍA n'asturianu (ventésima cuarta edición), con una dotación de 3.000 (tres mil) euros, pa obres de tema, xéneru y estructura llibres que tengan una estensión mínima de quinientos versos.

—«MÁXIMO FUERTES ACEVEDO» D'ENSAYU n'asturianu (ventésima cuarta edición), con una dotación de 3.000 (tres mil) euros, pa obres de tema, xéneru y estructura llibres que seyan inédites y tengan una estensión mínima de cincuenta páxines escrites a espaciu doble.

—«MARÍA JOSEFA CANELLADA» DE LLITERATURA INFANTIL Y XUVENIL n'asturianu (decimoprimer edición), con una dotación de 3.000 (tres mil) euros, pa obres de lliteratura infantil o xuvenil —con independencia de que seyan noveles, compilaciones de cuentos, poemarios o obres de teatru— siempre que seyan inédites y tengan una estensión mínima de doscientos cincuenta versos pa la poesía y de trenta páxines a espaciu doble pa los demás xéneros.

—«ALFONSO IGLESIAS» DE CÓMIC n'asturianu (décima edición), con una dotación de 3.000 (tres mil) euros, pa obres d'estilu, tratamientu y tema llibres, pudiendo abarcar el desarrollu d'una historia única o un conxuntu d'histories (rellacionaes o non ente elles). Pa participar habrá presentase un proyectu inicial con una estensión mínima de quince páxines, teniendo en cuenta que les obres presentaes habrán ser inédites y non premiaes n'otros concursos y que la estensión total de la obra habrá tener un mínimu de 50 páxines.

SEGUNDO.— Avocar pa sigu'l conocimientu de los actos delegaos de gastu, autorizando un gastu por importe de 15.000 (quince mil) euros con cargu a l'aplicación presupuestaria 14.04.422R-482.062 de los Presupuestos Xenerales del Principáu d'Asturies pal añu 2017, prorrogas pal exerciciu 2018.

GOBIERNU DEL PRINCIPÁU D'ASTURIES

CONSEYERÍA D'EDUCACIÓN Y CULTURA

TERCERO.— Esta convocatoria va rexise poles bases reguladores aprobaes por Resolución de 5 de marzu del 2009 (*BOPA* de 27 de marzu del 2009) de la Conseyería de Cultura y Turismu, modificaes por Resolución de 23 de xunetu del 2015 (*BOPA* de 30 de xunetu del 2015).

CUARTO.— Presentación d'orixinales, sitiu y plazu.

Les obres han dirixise a la Conseyería d'Educación y Cultura, pudiendo presentase a partir del otu día de publicase l'extractu de la convocatoria correspondiente nel *Boletín Oficial del Principáu d'Asturies*. D'aluerdu colo dispuesto nes bases d'estos gallardones, han presentase nel Rexistru Xeneral Central de l'Alministración del Principáu d'Asturies (Edificiu Alministrativu, c/ Trece Roses, e/n, planta plaza, sector central, Uviéu) nestos plazos:

- Premiu «Xosefa Xovellanos» de Novela: hasta'l 17 de setiembre del 2018.
- Premiu «Xuan M.^a Acebal» de Poesía: hasta'l 17 de setiembre del 2018.
- Premiu «Máximo Fuertes Acevedo» d'Ensayu: hasta'l 17 de setiembre del 2018.
- Premiu «María Josefa Canellada» de Lliteratura Infantil y Xuvenil: hasta'l 17 de setiembre del 2018.
- Premiu «Alfonso Iglesias» de Cómic: hasta'l 3 de setiembre del 2018.

En tolos casos, les obres han presentase en dos sobres zarraos onde s'ha escribir el nome del Premiu y ha constar el títulu de la obra y el seudónimu del autor/a. Caún de los sobres tien que contener:

SOBRE A: datos y identificación del autor/a (fotocopia del DNI, seños, teléfonu, currículum curtiu y declaración responsable relativa a estos estremos: atopase al corriente de les sos obligaciones tributaries y de seguridá social; nun ser deudor de la Facienda del Principáu d'Asturies por deudes vencíes, líquides y esixibles, y si se procedió a la xustificación de subvenciones y ayudes concedíes enantes pola comunidá autónoma);

SOBRE B: orixinal y cuatro copies del testu en formatu papel (les obres que se presenten al Premiu «Alfonso Iglesias» de Cómic tienen que se presentar tamién en formatu dixital).

Tamién pue presentase esta documentación per cualquiera de los medios establecíos n'artículu 16 de la Llei 39/2015, de 2 d'ochobre, del Procedimientu Alministrativu Común de les Alministraciones Públiques. Si, usando esti derechu, la solicitú únviase per corréu, habrá que la presentar en sobre abiertu pa que'l personal de correos feche y selle la solicitú.

QUINTO.— Los premios van concedese d'aluerdu colos principios d'oxetividá, tresporencia, igualdá, non discriminación y publicidá, pente medies del procedimientu de concurrencia competitiva. Enantes de concedese'l premiu, la persona beneficiaria ha presentar documentación acreitativo de la so personalidá, declaración responsable de nun tar incursa nes prohibiciones previstes n'artículu 13 de la Llei Xeneral de

GOBIERNU DEL PRINCIPÁU D'ASTURIES

CONSEYERÍA D'EDUCACIÓN Y CULTURA

Subvenciones y certificaos d'atopase al corriente de les sos obligaciones tributaries y cola Seguridá Social. Ensin perxuiciu de lo anterior, la participación na convocatoria va suponer, nun siendo qu'haya manifestación espresa en contrario, l'autorización a l'Alministración del Principáu d'Asturies pa pidir la documentación referenciao enantes, d'alcuerdu colo previsto n'artículu 28 de la Llei 39/2015, de 2 d'ochobre, del Procedimientu Alministrativu Común de les Alministraciones Públiques.

SESTO.— El Serviciu de Planificación Llingüística y Normalización, dependiente de la Dirección Xeneral de Planificación Llingüística y Normalización de la Conseyería d'Educación y Cultura, va adoptar toles midíes necesaries pal desenvolvimientu de les bases y d'esta convocatoria, llevando alantre la ordenación y instrucción del procedimientu. El conseyeru d'Educación y Cultura va dictar la resolución de concesión, que va publicase nel *Boletín Oficial del Principáu d'Asturies*, colo que va considerase notificada d'alcuerdu colo estableció n'artículu 45 de la Llei 39/2015, de 2 d'ochobre.

SÉPTIMO.— Ordenar la publicación d'esta Resolución nel *Boletín Oficial del Principáu d'Asturies*.

OCTAVO.— Esta resolución remata la vía alministrativa y va poder recurrise potestativamente en reposición, énte'l Conseyeru d'Educación y Cultura, nel plazu d'un mes computáu dende l'otru día de publicase esta resolución nel *Boletín Oficial del Principáu d'Asturies*, o ser directamente impugnada énte la Sala de lo Contencioso-Alministrativu del Tribunal Superior de Xusticia d'Asturies, nel plazu de dos meses cuntaos de magar se publique la resolución, ensin perxuiciu de cualquier otu recursu que consideren procedente interponer en defensa de los sos intereses.

EL CONSEYERU D'EDUCACIÓN Y CULTURA

Genaro Alonso Megido